

առւզ ազգին ապստամբութեամբ. զոր նոքա ի մէջ բերդին հինգ վեց տեղ հրով այրեցին, և ապա ամենայն քաղաքն և բերդն շիւարեցան, և ինքեանք ետուն զբերդն թշնամեաց, և գերեցան ամենեքեան ի ձեռն Մոսկովցոցն: Զոր Տէր Յիսուս երկնաւոր թագաւորն զվերջն նոցա ի բարին դարձուցէ. և զԶիկմունդ թագաւորն զօրացուցէ ի վերայ թշնամեաց իւրոց:

1563. ԹՎ. ՌԺԲ. և յուլիս ամսոյ ԺԳ. Ըռուզ գնեազ Վիշնովեցքին՝ գնաց ի Օլախաց երկիրն, զի լինէր պարոն ի վերայ երկրին. և ընդ իւր ունէր 3000 հոգի հեծելազօր: Եւ անհաւատ ազգն Օլախաց թոյլ ետուն որ մտաւ և եկաւ ի Սեչով հասաւ. և եկաց անդ երկու շաբաթ. և զՏեսարթն կամեցաւ ի բերդէն հանել, զի փոխանակ նորա ինքն նստցի պարոն. Եւ այս Տեսարթն չի հնազանդեցաւ նմա. այլ ազաչէր զնա ի խաղաղութիւն, զի թոյլ տացէ նմա՝ զի երթիցէ իւրովի ուր և կամենայ. իսկ նա բնաւ չընդունեց զազաչանքն նորա. այլ ուժգնութեամբ կամէր զինքն հանել և սպանանել: Յետոյ բազմացան անօրինաց ազգն այն Օլախն, և դիմեցին ի վերայ գնազին, և յաղթահարեալ կոտորեցին զամենեսեան առ հասարակ. և զինքն զՎիշնովեցքին կենդանի ձերբակալ առին, և ընդ նմա զԲիսոպքին և զայլս բազումս. զոմանց զքիթն և զականջս հատին, և զոմանս ի հետ գնազին և Բիսոպքին ի խոնդիքարն զրկեցին կապանօք: Եւ այսպէս կորեաւ ունայնութեամբ, և ընդ իւր կորոյս զամենեսեան առ հասարակ:

Եւ յորժամ զՏեսարթն կամեցան սպանանել անհաւատ ազգն Օլախաց, և նա զերժաւ ի նոցանէ, և փախեաւ ի բերդն Սեչովին, և փակեցաւ յամբարոցին: Եւ այս անօրէնքն ընտրեցին ի մէջ իւրեանց զոմն Տոմշա անուն, զոր էր փանաքի ծառայ այս Տեսարթին. և զնա փոխանակ նորա հաստատեցին պարոն ի վերայ երկրին, և մինչեւ երեք ամիս ոչինչ կարացին առնել չար՝ Տեսարթին, այլ մանաւանդ զբազումս ի յանհաւատիցն կոտորեց ի բերդէն այդ Տեսարթն. զի ունէր ընդ իւր ի մէջ բերդին 500 հոգի՝ զոր ընդ նմա փախեան, միաբանեցան ի մէջ բերդին: Եւ այս ամբարիշտն Տոմշա պիղծ և անիրաւ ոմն եղեւ, զոր և զբազումս կորոյս շարաչար մահուամբ զանմեղ զոմանս. ընդ որս էր ոմն կրօնաւոր Յովանէս, զոր մականուն Մուսգտակ ա նուանէին. և զնա անպարտ և անմեղ գողով ետ կախել զփայտէ. և զՀայոց Վոյթն լաւ և անմեղ ոմն Խաչերես անուն՝ և զնա կախել ետ ընդ նմա. և զերեք կիներ Հայոց փոքր զաւակօք իւրեանց՝ ետ կախել անողորմ և անիրաւ դատաստանաւ: Զոր Տէր հատուցէ չարին ըստ շարութեան իւրում և խընդրեցէ վրէժ ի նմանէ՝ այդ անմեղ և անպարտ արեանց նոցա վասն:

Յետոյ ոմն իշխան Լաստի անուն, զոր առաջագոյն գրեալ է պատմութիւն նորա ի մէջ գրքիս, թէ որպիսի ինչ առաւ նա այս Տեսարթին, և սա իբրեւ լուաւ զբանն Տեսարթին, ահա փութանակի եհաս զօրովքն ի կամենիցս. բայց կարի շատ ոչ ունէր զօրք. և համբերեալ մնաց երկու ամիս, մինչ որ բազմանայցէ զօրքն, յետոյ եմուտ այդ խուժողուժն յերկիրն սակաւ զօրօք: